



Na osnovu člana 34., a u vezi sa članom 67. Zakona o državnoj službi u Kantonu Sarajevo („Službene novine Kantona Sarajevo“ br. 31/16 i 45/19), a na zahtjev Općine Vogošća, Agencija za državnu službu Federacije Bosne i Hercegovine, objavljuje

JAVNI KONKURS za popunu radnih mjesta državnih službenika u Općini Vogošća

Radna mjesta:

- | | |
|--|------------------------------|
| 01. Stručni savjetnik za lokalne i nekategorisane ceste | - 1 (jedan) izvršilac |
| 02. Stručni saradnik za građevinsko-komunalne poslove | - 1 (jedan) izvršilac |
| 03. Stručni saradnik za geodetske poslove i katastar nekretnina | - 1 (jedan) izvršilac |

01. Opis poslova: vodi tehnički dio tenderske procedure kod izrade projekata za građenje i rekonstrukciju lokalnih cesta, gradskih ulica i autobuskih stajališta; izrađuje tehničke specifikacije u vezi sa tekućim održavanjem cesta i ulica; daje preporuku u vezi sa prekomjernom upotrebom lokalnih cesta; priprema tehničke detalje za izradu nacrt rješenja o postavljanju reklamnih znakova na lokalnim cestama; priprema tehničke detalje za izradu nacrt rješenja o visini naknade za korištenje cestovnog zemljišta; priprema tehničke detalje za izradu nacrt rješenja o postavljanju i uklanjanju saobraćajnih znakova i signalizacije na lokalnim cestama i gradskim ulicama; vodi evidenciju o lokalnim cestama, gradskim ulicama i objektima na njima; prati i primjenjuje zakonske propise iz oblasti lokalnih i nekategorisanih puteva, njihove gradnje i održavanja; predlaže i poduzima odgovarajuće mjere za poboljšanje sigurnosnih uvjeta na postojećim lokalnim cestama; izrađuje tehničku dokumentaciju iz svoje oblasti za javne nabavke direktnih sporazuma; obavlja unos i obradu podataka u bazu za instaliranu softversku aplikaciju; obavlja i druge poslove po nalogu neposrednog rukovodioca iz djelokruga rada Službe.

02. Opis poslova: prati stanje u oblasti komunalne infrastrukture i saobraćaja, pravi analize stanja po pojedinim segmentima; daje mišljenja u oblasti komunalnih poslova kod realizacije projekata izgradnje objekata komunalne infrastrukture, saobraćajne signalizacije i sanacije klizišta; koordinira sa Zavodom za planiranje razvoja Kantona Sarajevo i Zavoda za izgradnju Kantona Sarajevo, kao i sa odgovarajućim resornim ministarstvima Kantona Sarajevo iz oblasti komunalne infrastrukture; koordinira rad i saraduje sa javnim preduzećima u razrješavanju pitanja i problema iz nadležne oblasti na području Općine; učestvuje u pripremi tenderske dokumentacije u skladu sa Zakonom o javnim nabavkama BiH, te vrši izradu pratećih akata na istu; prati, koordinira i predlaže odgovarajuće mjere na izvođenju radova, na intervencijama popravkama i investicijama navedenih i drugih navedenih organizacija u vezi poslova od značaja za Općinu; kontaktira sa Službom civilne zaštite Vogošća u vezi sa angažovanjem pripadnika jedinica civilne zaštite na poslovima iz oblasti komunalne infrastrukture; koordinira i prati radove koji se izvode kroz ugovor o hitnim intervencijama iz oblasti komunalne infrastrukture; vrši koordinaciju u pripremi i izradi projektne dokumentacije vezane za lokalne i gradske vodovode i riječna korita kao i druge poslove koji se odnose na predmetnu oblast; vrši pregled tehničke dokumentacije i provjerava njenu usklađenost sa normama i standardima za ovu vrstu djelatnosti; prati i proučava registrovana oštećenja na objektima komunalne infrastrukture i daje prijedloge za otklanjanje kvarova na istim; obavlja unos i obradu podataka u bazu za instaliranu softversku aplikaciju; obavlja i druge poslove po nalogu neposrednog rukovodioca iz djelokruga rada Službe.

03. Opis poslova: obavlja sve poslove iz oblasti održavanja digitalnog geodetskog plana; vrši periodično arhiviranje i zaštitu podataka digitalnog geodetskog plana; vrši održavanje interne mreže kao i pojedinačnih računara u Službi; vrši izradu jednostavnijih programa za potrebe Službe, praćenje i obuku Službe za rad na novim softverima; obavlja unos i obradu podataka u bazu na instaliranu softversku aplikaciju; obavlja i druge poslove po nalogu neposrednog rukovodioca iz djelokruga Službe.

Kandidati moraju ispunjavati opće uvjete iz člana 35. Zakona o državnoj službi u Kantonu Sarajevo:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposobno za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine

Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:

Za poziciju 01.

- VSS – VII stepen, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova, završen saobraćajni fakultet-smjer cestovi saobraćaj
- najmanje 3 (tri) godine radnog staža u struci nakon sticanja stručne spreme
- poznavanje rada na računaru

Za poziciju 02.

- VSS – VII stepen, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova, završen građevinski fakultet
- najmanje 1 (jedna) godine radnog staža u struci nakon sticanja stručne spreme
- poznavanje rada na računaru

Za poziciju 03.

- VSS – VII stepen, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova, građevinski fakultet-odsjek za geodeziju
- najmanje 1 (jedna) godine radnog staža u struci
- poznavanje rada na računaru

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme u skladu sa uslovima iz konkursa (original ili ovjerene kopije) na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba)

3. Kandidati za radna mjesta stručnog saradnika koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):

- a) fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 06.04.1992. godine)
- b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa
- c) dokaz o položenom stručnom ispitu za namještenike u organima državne službe

Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije, www.adsfbih.gov.ba. Imena kandidata se ne objavljuju. Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u "Službenim novinama Federacije BiH" neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

AGENCIJA ZA DRŽAVNU SLUŽBU FEDERACIJE BiH
ODJELJENJE AGENCIJE ZA KANTON SARAJEVO I BOSANSKO PODRINJSKI KANTON,
UL. KULOVIĆA BR. 7
71000 SARAJEVO
sa naznakom:

„Javni konkurs za popunu radnih mjesta državnih službenika u Općini Vogošća sa pozivom na broj: 10-30-8-302/20"

DIREKTOR

Refik Begić, magistar uprave